

叙

嘗見人家宅舍，往往房屋修完，廂房兩頭不累夾道，內小牆借鄰家屋牆院牆，以權當已牆，而省一牆之費，展一牆之寬，自覺一舉兩得，不知牆爲一宅之筋節，牆有缺陷，則有肢離體解之病。且陽宅以氣爲主，牆不完脩，而風何以藏，氣何由聚。耶世之修宅者，第一要牆院周密，使寒風無隙而入，瑞氣無空而出，方爲筋節聯屬一團和氣矣。何可惜半點之小費，而使壞大事也。

黃帝宅經云宅有五虛令人貧賤宅有五實令人富貴。牆垣不完是一虛。宅大人小是二虛。門大宅小是三虛。屋大木小是四虛。宅大屋少是五虛。牆院完全是一實。宅小人多是二實。宅大門中是三實。宅小六畜多是四實。道水獲抱歸庫流是五實。俱宜知之。

皆

大清嘉慶五年歲次庚申孟春端月信都郡城西北
張氏里國子監俊秀監生張覺正佩鳴氏書於

玉階齋

卷三目錄

論宅靜動變化四格

五行生進穿宮法

乾門動宅三式

坎門動宅一式

艮門動宅二式

震門動宅一式

巽門動宅三式

離門動宅一式

坤門動宅三式

兌門動宅一式

離宅坤門變宅式

震宅離門變宅式

坎宅巽門變宅式

兌宅艮門變宅式

巽宅離門變宅式

乾宅坤門變宅式

坎宅離門化宅式

離宅坎門化宅式

坎宅震門化宅式

坤宅兌門化宅式

艮宅兌門化宅式

順興富宅圖

宅基房門論

宅基缺陷截路論

截路分房四式

缺西北一宅分三院式

易經

卷之

三

陽宅要篇 卷三
缺東北一宅分二院式

缺東南一宅分二院式

缺西南一宅分二院式

缺西北東南一宅分二院式

星宮相對受病論

相應歌

論外形局勢

宅近道水林坵吉凶式

宅形缺陷斜尖吉凶式

陽宅愛衆篇卷三

信都張覺正佩鳴手著

男

噴擊玉校閱

論宅靜動變化格

凡人之宅有靜動變化四格相之者不可執一以概論也。如屋只一層並無腰房。此不必用穿宮法。須從門上順佈遊年。遇吉星則修高大。凶星則宜低小。此謂靜宅之法也。

若屋有二三四五層者。則爲動宅。必須用穿宮法。以五行次第生八。欲知頭層當用何星。只若於四正門

從坐宮起遊年如四隅門傍門則從門上起遊年皆順佈至向而止以次生進如坎宅坎爲坐宮開離門則從坎宮起坎五天生延絕禍六之句順佈至離門得延年金星卽以延年武曲爲頭一層生第二層文曲水文曲生三層貪狼木遇吉星而止若有四層廉貞火廉貞生五層巨門土星而止星宮相尅主向不利若坎宅離向開巽門用巽天五六禍生絕延之句離爲天乙以天乙巨門爲頭一層生二層武曲金金生三層文曲水水生四層貪狼木遇吉星則止不然

生五層廉貞火星主向大凶總之正門用菴延隅門
傍門點至對向以次生去遇吉卽止倘若宅短不能
合主房吉星則用屏門以補之此動宅法也。

又買井穿宮五六七八層屋者加左輔木用二木二
金二土一水一火其名變宅變宅之法惟水與火星
到向則從一星生八若木金土各有二星未知當用
何星在前何星次之卽用動宅遊年法順佈至向以
向星按五行次第生至廉貞廉貞以前看向星屬陽
則陽先陰後向星屬陰卽先陰後陽至廉貞所生總

無一定但論遊年何星先到如延年先到廉貞生巨
門後祿存若絕命先到廉貞生祿存後巨門譬如坎
宅離向開離門從坎數至離得延年門爲武曲頭層
二層破軍三層文曲四層貪狼五層左輔六層廉貞
廉貞所生按離六五絕之句爲絕命先到廉貞生七
層祿存八層巨門而止爲變宅也若坎宅離向開坤
門用坤天延絕生禍五六之句離爲六煞頭層文曲
二層左輔三層貪狼四層廉貞論遊年延年先到廉
貞生五層巨門六層祿存七層武曲遇吉而止倘有

八層破軍王向，則不吉矣。此變宅之法也。

再者，變宅直生至九層，加右弼星而止，以盡九星之用，則爲化宅。化宅者，是逢九還原，復歸於頭層之本星耳。陽宅四格，由靜而動，由動而變，由變而化，立宅之法，盡於此矣。總之，遇吉星卽止，多則減之，少則增之，務使吉星王向而已。

五行生進穿宮法

夫動宅穿宮，武曲生文曲，文曲生貪狼，貪狼生廉貞，廉貞生巨武，三陽星臨坐宮。

廉貞則生巨門。巨門生武曲。若坐宮是文祿破廉四
陰星。廉貞卽生祿存。祿存生破軍。破軍生文曲。如此
生進爲動宅之法也。

苦變宅貫井。加左輔陰木。用二木二金二土一水一
火。以五行生入遊年。無左輔貪狼在前左輔次之。左
輔在前貪狼次之。只看向星所屬。向星屬陽皆從向
星。先陽後陰。以次第生入。若向星屬陰卽先陰後陽。
生至廉貞廉貞以後所生。但論遊年看延絕二星孰
先。如離門用離六五絕延禍生天之句爲絕命先到。

之用是逢九還原復歸頭層之本星耳如乾卦入變復歸於乾之理也夫陽宅四格由靜而動由動而變由變而化立宅之法盡於此矣

此曰右四格詳論宜熟爛胸中時昭昭於心目之間不然登壇馭將反戾紙上矣

四格總要

八門四格有真機 東四合東西合西

若遇凶崇更改戶 吉星高大凶星低

乾門動宅四層兩層腰房內房偏坤作穿廂均高爲
至九隅門以向星按五行生八從門順布七星至坎
向北房是六煞水水生北腰房穿廊貪狼木木生南
腰房居中廉貞火火生南房巨門上土八坤宮宮星
比合大吉王居者丁財兩旺福壽康寧可稱吉宅矣

乾門四層坤天主

艮兌相扶分尊卑

一連西屋高尺寸

三間兩座並肩居

六水生木水生火

火生天土八坤所

歌曰

星宮比合增福壽

若有五層吉更多

此乾門動宅一層屏門一層腰房北房高大主向南
房是絕命金星金生腰房六煞水星水生屏門生氣
木星木生北房五鬼火星五火八坎宮星相尅定主
中男辭世速閉乾開巽門西房落低屏門更過貪狼
木八坎宮主居者五子十孫丁財兩旺大吉。

五鬼毒火八坎宮

水火相煎定有聲

不但中男辭世早

子弟忤逆更發凶

前篇葫蘆

生來倒顛

讚曰

吉凶之轉

山向之間